

<2025 AKS-Freie Univ HANMUN WORKSHOP>

King Chǒngjo's View on Reading

Eunjin Lee



『弘齋全書』 (Hongjaejönsö, Collective Works of Chǒngjo)

「日得錄」 (Ildŭngnok, Records of Daily Acquisitions)

‘文學’ (Munhak, Letters and Learning)

: Study, Book, View on Reading

1.

罷朝之後，竟日看閱書卷，常至夜分，諸臣以恐妨頤養爲言。教曰，“自古宮中，亦頗有消遣之資，而性不喜此。且宦官宮妾，只可使令，與之酬接，有何意味乎。故時引諸臣，或討論文義，或商確古今，不但有益於身心，予以此最以爲樂事。否則靜坐看書，趣味深長。時有所契，欣然如有所得，不知日之暮夜之深。古人所謂我自樂此不爲疲者，正非虛語也。”

2.

“古人遇事見理，必透得二三重。今人不惟不透得半重，事到眉頭，茫不知如何措置，此政坐不讀書耳。”

3.

“講讀冊子，點吐最好。上下句讀之間，作者之用意，益可究蹟契悟，大有勝於泛覽漫誦。近與諸閣臣，點吐朱書百選·八子百選·史記英選等書，甚覺資益。”

4.

“予自年前，三餘必有程課，維持此心，莫如讀書故也。讀書之法，必有程課，然後方無作輟之患。今日當爲宮幸，故昨日兼讀，今日程課，庶幾免間斷。”